

Aussatz

Mose

C. XIII.

LXII.

bey den Hütten des Stiffts/ Der sol es opffern für dem HERRN/ vnd sie versünen/
 Jäden 26. so wird sie rein von irem blutgang/ Das ist das Gesetz für die / so ein Kneblin
 oder Merdlin gebirt.

Luc. 2. VErmag aber ire hand nicht ein Schaf / so neme sie zwo Dorteltauben
 oder zwo Jungetauben/ eine zum Brandopffer/ die ander zum Sündopffer/
 So sol sie der Priester versünen/ das sie rein werde.

XIII.



UOder HERR redet mit Mose vnd Aaron/ vnd sprach / Wenn
 einem Menschen an der haut seines fleisches etwas auffsetzt/ oder
 schebicht oder eiterweis wird/ als wolt ein Aussatz werden / an
 der haut seines fleischs/ Sol man in zum Priester Aaron führen/
 oder zu seiner Sone einem vnter den Priestern. Vnd wenn der
 Priester das mal an der haut des fleischs sihet / das die har in weis verwan-
 delt sind/ vnd das ansehen an dem ort tieffer ist / denn die ander haut seines
 fleischs/ So ist gewis der Aussatz/ Darumb sol in der Priester besehen / vnd
 für vnrein vrteilen.

Aussatz
der Menschen.

WENN aber etwas eiterweis ist an der haut seines fleischs / vnd doch
 das ansehen nicht tieffer/ denn die ander haut des fleischs / vnd die har nicht
 in weis verwandelt sind/ So sol der Priester den selben verschliessen sieben ta-
 ge/ vnd am siebenden tage besehen. Ist das das mal bleibt wie ers vor gese-
 hen hat / vnd hat nicht weiter gefressen an der haut / So sol in der Priester
 abermal sieben tage verschliessen. Vnd wenn er in zum andern mal am sieben-
 den tage besehen/ vnd findet das das mal verschwunden ist / vnd nicht weiter
 gefressen hat an der haut/ So sol er in rein vrteilen/ denn es ist grind / Vnd er
 sol seine Kleider wasschen/ so ist er rein. Wenn aber der grind weiter frisst in
 der haut / nach dem er vom Priester besehen / vnd rein gesprochen ist/ vnd
 wird nu zum andern mal vom Priester besehen / Wenn denn da der Priester
 sihet/ das der grind weiter gefressen hat in der haut/ Sol er in vnrein vrteilen/
 denn es ist gewis Aussatz.

Stets offenbar/
 das Moses Aus-
 satz heisst alleley
 grind vnd blarem
 oder mal/ da Aus-
 satz aus werden
 kan / oder dem
 Aussatz gleich ist.

WENN ein mal des Aussatzs am Menschen sein wird / den sol man zum
 Priester bringen. Wenn derselb sihet vnd findet / das weis auffgefaren ist an
 der haut/ vnd die har weis verwandelt/ vnd rho fleisch im geschwür ist / So
 ist gewis ein alter Aussatz in der haut seines fleischs. Darumb sol in der Prie-
 ster vnrein vrteilen/ vnd nicht verschliessen/ denn er ist schon vnrein.

WENN aber der Aussatz blühet in der haut/ vnd bedeckt die ganze haut/
 von dem heubt an bis auff die füsse / alles was dem Priester für augen sein
 mag/ Wenn denn der Priester besehen vnd findet / das der Aussatz das ganze
 fleisch bedeckt hat/ So sol er den selben rein vrteilen/ die weil es alles an in in
 weis verwandelt ist/ denn er ist rein. Ist aber roh fleisch da/ des tages wenn er
 besehen wird/ So ist er vnrein. Vnd wenn der Priester das roh fleisch besehen/
 sol er in vnrein vrteilen/ denn er ist vnrein/ vnd es ist gewis Aussatz. Verkeret
 sich aber das roh fleisch wider/ vnd verwandelt sich in weis / So sol er zum
 Priester komen/ Vnd wenn der Priester besehen vnd findet / das das mal ist in
 weis verwandelt/ sol er in rein vrteilen/ denn er ist rein.

(Die ganze haut)
 Dieser Aussatz het
 stet rein/ Denn es
 ist ein gesunder
 Leib der sich also
 selbst reiniget/ als
 mit bocken / ma-
 fern/ vnd Kreuze ge-
 schicht/ da durch
 den ganzen Leib/
 das böse her aus
 schlegt / Wie wir
 Deutschen sagen/
 Es sey gesund etc.

WENN in jemandes fleisch an der haut eine Drüs wird/ vnd wider heilet/
 Darnach an demselben ort etwas weis auffsetzt oder rötlich eiterweis wird /
 sol er vom Priester besehen werden. Wenn denn der Priester sihet/ das das an-
 sehen tieffer ist / denn die ander haut/ vnd das har in weis verwandelt / So sol
 er in vnrein vrteilen/ denn es ist gewis ein Aussatzmal aus der Drüs worden.
 Sihet aber der Priester vnd findet/ das die har nicht weis sind / vnd ist nicht
 tieffer/ denn die ander haut/ vnd ist verschwunden/ So sol er in sieben tage ver-
 schliessen. Frisset es weiter in der haut/ So sol er in vnrein vrteilen / denn es ist

Lij gewis